

Հ Ա Ն Գ Ի Ս Տ

ԳԵՐԱԾՆՈՐ Հ. ՌՈՒԲԵՆ ԱՐԳԵՊԻՍԿՈՊՈՍ ՄԱՆԱՍՅԱՆԻ (1882—1955)

Երուսաղեմից ստացված հեռագիրը գուժեց Մայր աթոռ Ս. Էջմիածնի միաբան Ռուբեն արքեպիսկոպոս Մանասյանի հանկարծահաս մահը, որը տեղի է ունեցել սույն թվի հուլիսի 10-ի առավոտյան: Ռուբեն արքեպիսկոպոսի մահով Հայ եկեղեցին կորցնում է իր բարձրատիճան, հայրենասեր և քաղաքապետ հոգևորականին:

Հոգեկույս սրբազանը ծնվել է 1882 թվին Երևանում: Սովորել է Երևանի թեմական դպրոցում և ավարտելով նրա լրիվ դասընթացը, որոշ ժամանակ ուսուցչությամբ զբաղվելուց հետո, նա միանգամայն ընդմիջում է հոգևոր կյանքի ասպարեկը:

Հանգուցյալը 1911 թվին Ս. Էջմիածնում ձեռնադրվում է կուսակրոն վարդապետ և մտնում Մայր Աթոռի միաբանության շարքերը:

Եկեղեցական գործունեության իր առաջին շրջանում մենք հանգուցյալին տեսնում ենք Գեորգյան ճեմարանում երաժշտության դասատուի պաշտոնում, իսկ Կոմիտաս վարդապետի Էջմիածնից մեկնելուց հետո, նրան է հանձնվում Մայր Տաճարի երգեցիկ խմբի ղեկավարությունը:

Գեորգ Ե. Սուրենյանց կաթողիկոսի օրով, 1922—1923 թվականներին, հանգուցյալ սրբազանը նշանակվում է Հյուսիսային Կովկասի թեմի առաջնորդ, ուր ձեռնհասորեն վարում է թեմական գործերը: Այնուհետև նա



նշանակվում է Հեռավոր Արևելքում (Մանջուրիա, (Խաբրին-Մուկդեն) հոգևոր հովիվ: Երջանկահիշատակ Գեորգ Ե. Կաթողիկոսը, հաշվի առնելով նրա փորձառությունը և եկեղեցական օգտաշատ գործունեությունը, 1928 թվին ձեռնադրում է նրան կաթիսկոպոս և նշանակում Իրաքի թեմի առաջնորդ: Հոգեկույս սրբազանը այստեղ երկար տարիներ կուրսով և սրտեռանդ նվիրումով վարում է իր առաջնորդական պարտականությունները: Եկեղեցական այդ գործունեության համար նա խորեն Ա. Կաթողիկոսի կողմից արժանանում է արքության բարձր պատվին և աստիճանին:

Հանգուցյալ սրբազանը մինչև իր կյանքի վերջը մնաց հայրենասեր և էջմիածնասեր եկեղեցական. նա երբեք չզավաճանեց իր ուխտին և հայ ժողովրդի Սրբություն Սրբոց Ս. Էջմիածնին:

Ռուբեն սրբազանը իր կյանքի վերջին տարիներին, խոր ծերության հասակում, թողել էր առաջնորդական պարտականությունները, քաշվել Երուսաղեմի հայոց վանք և, Ս. Հակոբյանց միաբանության շարքերում, հյուրընկալության վարժով, անց էր կացնում իր կյանքի վերջին տարիները: Այնտեղ էլ կնքեց իր մահկանացուն:

«Յիշատակն արդարոց օրհնութեամբ ելիցի»:

